

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

OGASUN, FINANTZA ETA AURREKONTU SAILA

Diputatuen Kontseiluaren 39/2016 Foru Dekretua, maiatzaren 17koa, lehenasuneko mezenasgo jarduerak zehazten dituena 2016rako

Irabazteko xederik gabeko erakundeen zerga araubidearen eta mezenasgorako zerga pizgarrien Foru Arauak (16/2004 Foru Araua, uztailaren 12koa) arautzen du nola parte hartu behar duen sektore pribatuak lehenasuneko mezenasgo jarduerak eta programak finantzatzen.

Hain zuzen ere, foru arau horren 29. artikuluan 1. paragrafoak dio Arabako Foru Aldundiak zehaztuko duela zeintzuk izango diren ekitaldi bakoitzean lehenasuneko mezenasgo jardueren edo programen zerrenda, foru arau horretan bertan aipatzen diren interes orokorreko helburuen eremura. Horrenbestez, beharrezkoa da Foru Dekretu hau onartzea.

Artikulu horren arabera, mezenasgoko lehenasuneko jardueretarako eta programetarako izendatzen diren diru zenbatekoek araubide berezi bat dute. Diru zenbateko horiek garbiak eta soilak izan behar dira; ezin dute eduki inolako kontraprestaziorik. Araubide berezi hori honetan datza, laburbilduta:

a) Lehenasuneko zatitza jo diren jarduerak edo programetarako diru zenbatekoak gastu kengarri izango dira sozietateen gaineko zergaren oinarria eta establezimendu iraunkorraren bidez jarduten duten ez-egoiliarren errentaren gaineko zergaren oinarria zehazterakoan; enpresarietat eta profesionalentzat, berriz, pertsona fisikoen errentaren gaineko zergaren zuzeneko zenbatespenaren araubidean.

b) Sozietateen gaineko zergaren edo establezimendu iraunkorraren bidez jarduten duten ez-egoiliarren errentaren gaineko zergaren subjektu pasiboek kendu egin dezakete zehaztutako kuota likidotik lehenasuneko zatitza jotako jarduerak edo programetarako diru zenbatekoaren ehuneko 18 (kuota likidoa lortzen da, hain zuzen, kuota osoari zergapetze bikoitzari dagozkion zenbatekoak eta, hala balegokio, hobariak kenduta), publizitate babeserako kontratuak direla-eta emandako diru zenbatekoak ere barne direla.

c) Pertsona fisikoen errentaren gaineko zergaren subjektu pasiboek, zuzeneko zenbatespenaren pean gauzatzen badituzte ekonomia jarduerak, kendu egin dezakete kuota osotik lehenasuneko zatitza jotako jarduerak edo programetarako diru zenbatekoaren ehuneko 18, publizitate babeserako kontratuak direla-eta emandako diruak ere barne direla.

d) Pertsona fisikoen errentaren gaineko zergaren gainerako subjektu pasibo lehen aipatutakoez bestekoek kendu egin ditzakete kuota osotik lehenasuneko zatitza jotako jarduerak edo programetarako diru zenbatekoaren ehuneko 30.

Hortaz, foru dekretu honen xedea da zehaztea 2016ko ekitaldirako zer jarduerak edo programa izango diren lehenasunekoak, bai eta zer baldintza eta prozedura ezarriko diren zenbait jarduerak lehenasuneko zatitza izendatzeko, guztia ere irabazteko xederik gabeko erakundeen zerga araubidearen eta mezenasgorako zerga pizgarrien Foru Arauak 29. artikuluan xedatutakoaren ondorioetarako (16/2004 Foru Araua, uztailaren 12koa).

Arabako Foru Administrazioaren Aholku Batzordearen Arautegi Organikoak 3. artikuluan hiru paragrafoan aurreikusitakoaren arabera, batzorde horren txostena ez da aginduzkoa.

Aztertutako Zerga Araudiaren Zerbitzuak horri buruz emandako txostena.

Horregatik, Ogasun, Finantza eta Aurrekontu Saileko foru diputatuak proposatuta, eta Diputatuen Kontseiluak gaur bertan egindako bilkuran gaia aztertu ondoren, hauxe

XEDATZEN DUT

1. artikulua. Xedea

Foru dekretu honen helburua da garatzea Irabazteko xederik gabeko erakundeen zerga araubidearen eta mezenasgorako zerga pizgarrien Foru Arauaren 29. artikulua (16/2004 Foru Araua, uztailaren 12koa).

2. artikulua. 2016an lehentasuna izango duten jardueren zerrenda

“Bat. Ondoko jarduera edo programa hauek izango dira lehentasunezkoak 2016ko ekitaldian, Irabazteko xederik gabeko erakundeen zerga araubidearen eta mezenasgorako zerga pizgarrien Foru Arauaren 29. artikulua ondoriotarako (16/2004 Foru Araua, uztailaren 12koa):

a) Gizarte zerbitzuen esparruan:

Gizarte zerbitzuen arloko jarduerak gauzatzen dituzten gizarte izaerako entitate onura publikokotzat jotakoei emandako diru zenbatekoak.

Aurreko paragrafoan xedatutakoa aplikatu ahal izateko, Arabako Foru Aldundiak aintzatetsia izan beharko du gizarte izaerako entitateak.

b) Ingurumenaren esparruan:

1. Arabako naturagune babestuetako ingurumena berreskuratzeko, onik zaintzeko, ikertzeko eta zabaltzeko programetarako Arabako Foru Aldundiari emandako diru zenbatekoak.

2. Arabako Lurralde Historikoko foru bizikleta bideak eraiki, hobetu eta onik zaintzeko obrak finantzatzeko Arabako Foru Aldundiari emandako diru zenbatekoak.

3. Arabako Ibilbide Berdeen Sarea eraiki, hobetu, onik zaindu, sustatu eta zabaltzeko Arabako Foru Aldundiari emandako diru zenbatekoak.

4. Arabako ingurumenaren osotasun ekologikoa lehengoratzeko Arabako Foru Aldundiari emandako diru zenbatekoak

c) Garapen teknologikoaren esparruan:

Ikerketa, garapen edo berrikuntza jarduerak gauzatzen dituzten pertsona eta erakundeei emandako diru zenbatekoak.

Aurreko paragrafoan xedatutakoa ezarri ahal izateko, Arabako Foru Aldundiak aintzatetsi egin beharko du kasuan kasuko pertsona edo entitatea.

d) Kulturaren esparruan:

1. Arabako Artium Fundazioa.

2. Santa Maria Katedrala Fundazioa.

3. Gasteizko Jazzaldia Elkarte.

4. Gasteizko Arte eta Lanbide Eskola.

5. Gasteizko Arte Sakratuaren Museoa.

6. Iruña-Veleiaren eta Arkaiako erromatar termen arkeologia proiektuak gauzatzeko EHUri emandako diru zenbatekoak.

7. Artziniegako Etnografia Museoa.

8. Euskaltzaindia.

9. Euskalerrriaren Adiskideen Elkarte.

10. Eusko Ikaskuntza.

11. Kultura intereseko jarduerak, eta bai ere Arabako Foru Aldundiaren, toki erakundeen, udalen eta kuadrillen jabetzako ondasun kultura interesekotzat jotakoak zaharberritzeko eta/edo birgaitzeko Arabako Foru Aldundiari emandako diru zenbatekoak.

12. Añanako Gatz Harana Fundazioa.

13. Gasteizko Urrutiko Hezkuntzarako Unibertsitate Nazionalako Gune Elkartua.

14. Azkena Rock Festival sustatu eta antolatzeko ARF Vitoria-Gasteiz SL enpresari emandako diru zenbatekoak.

15. Gasteizko Telebista eta Irrati jaialdia - FesTVal sustatu eta antolatzeko Fila 2 kultura elkarteari emandako diru zenbatekoak.

16. Asparreneko Umore Antzerkiaren XXIII. Jaialdia antolatzeko Asparreneko Udalarari emandako diru zenbatekoak.

17. Arte eszenikoekin loturiko jarduerak sustatu eta antolatzeko Arabako Foru Aldundiari emandako diru zenbatekoak.

18. Gasteiz Hiri Napoleonikoen Europar Federazioan sartzearen ondorioz egiten diren jardunetarako Gasteizko Udalarari emandako diru zenbatekoak.

19. Ormandetxari entregatutako zenbatekoak: Mural obra sustatzeko "Pinturas para la vida" elkarteak.

20. Añanako Kuadrillari Micaela Portilla eskola lantegirako emandako diru zenbatekoak.

21. Arabako Foru Aldundiari Arabako Lurralde Historikoko Agiritegian gordetzen den dokumentazio historikoaren tratamendu artxibistikorako emandako diru zenbatekoak.

22. Arabako Foru Aldundiari Santa Katalinia lorategi botanikoa berreskuratu, hobetu, zaindu, sustatu eta haren zabalkundea egiteko emandako diru zenbatekoak.

e) Kirolaren esparruan:

1. 5 + 11 Fundazioa.

2. Kirolaraba Fundazioa.

3. Gasteizko Triatloia egiteko Maratlón Kultura eta Kirol Elkarteari emandako diru zenbatekoak.

4. Gasteizko Martín Fiz Nazioarteko Maratoia egiteko Maratlón Kultura eta Kirol Elkarteari emandako diru zenbatekoak.

5. Arabako Lurralde Historikoa ordezkatzan duten kirol entitate nazioartean jarduten dutenei emandako diru zenbatekoak.

Aurreko paragrafoan xedatutakoa aplikatu ahal izateko, Arabako Foru Aldundiak aintzatetsia izan beharko du kirol entitateak.

6. Arabako Foru Aldundia Izki Golf gunearen barruan dagoen Urturi golf zelaian lehiaketak egiteko emandako zenbatekoengatik.

f) Enpresen gizarte erantzukizunaren esparruan:

"Fundación Laboral San Prudencio" Fundazioa.

g) Gizarte esparruan:

1. Fernando Buesa Fundazioa.

2. Saharako Arabiar Errepublikako Demokratikoaren (SAED) Adiskideen Arabako Elkarteak

h) Euskara sustatzearen esparruan.

Araba Euskaraz 2016 ekitaldiaren antolatzaileei emandako diru zenbatekoak.

i) Interes orokorreko bestelako helburuetako esparruan:

1. Euskampus proiekturako Euskal Herriko Unibertsitateari emandako diru zenbatekoak.

2. Jarduera hauek egiteko Gasteizko eta Arabako Aurrezki Kutxa Fundazioari emandako diru zenbatekoak: Vital Kutxa Fundazioaren aretoko erakusketak, Astearte Musikalak, Euskal Zinemaren Astea, Jaibus Vital, Vital Araban zehar Programa, eskolako agendak eta Araba Ekinean: Enpresen Lasterketa.

3. Abastos Fundazioari emandako diru zenbatekoak.

4. Arabako Foru Aldundia eta Arabako Merkataritzat eta Industria Ganberari emandako diru zenbatekoak, Euskadi Estatu Batuetan nazioartekotzeko eginkizunaren barruan gauzatzen diren jarduerak direla-eta, 2016ko Smithsonian Folklife Festival delakoaren kariaz.

Bi. Era berean, lehentasunezkoak dira estatuko eta lurralde historikoetako organo eskudunek halakotzat jotako jarduerak, betiere, batek zein besteak onartutako araudiaren arabera, elkarri hala aitortzen badizkiote Arabako Foru Aldundiak aurreko paragrafoan onartutako jarduerak.

3. artikulua. Lehentasunezko jarduerak kirol esparruan

Foru dekretu honen 2. artikuluan kirol esparruan lehentasunezkoztat izendatutako jardueraz gain, Arabako Lurralde Historikoko emakumezkoen kirol talde eta atalei emandako diru zenbatekoak, bai eta Arabako Lurralde Historikoan garatutako kirol jarduera eta lehiaketei emandakoak ere, baldin eta haietan emakumeak badira protagonista edo emakumeen parte hartzea eta genero estereotipoak apurtzea eta emakumezkoen ezagutza soziala sustatzen badute berariaz. Hau da, jarduera horiek guztiak lehentasunezko jarduera izango dira kirol esparruan, baldin eta Arabako Foru Aldundiko Euskara, Kultura eta Kirol Sailak ezarritako baldintzak betetzen badituzte.

4. artikulua. Kirol esparruko lehentasunezko jarduera dela aitortzeko prozedura

Aurreko artikuluan xedatutako ondorioetarako, 2016ko ekitaldian, kirol esparruan beren jarduerak lehentasunezkoak izan daitezen interesa duten pertsona fisikoek eta juridikoek 2016ko abenduaren 1a baino lehen eskatuko diote Arabako Foru Aldundiko Euskara, Kultura eta Kirol Sailari. Eskaerarekin batera, lehentasunezko jarduera gauzatzen duen erakundearen proiektua ere aurkeztuko da, alegia, lehentasunezko jarduera izan dadila eskatzen duen erakundearena, eta proiektu horrek, besteak beste, diru sarreren eta gastuen aurreikuspen bat jasoko du.

Euskara, Kultura eta Kirol Saileko foru diputatuaren foru agindu bidez aitortuko zaio lehentasuna jarduera bati kirol esparruan. Horretarako, ezinbestekoa izango da aurreko paragrafoan aipatzen den eskaera aurkeztea eta, foru dekretu honetan ezarritako betebeharrak ez ezik, Arabako Foru Aldundiko Euskara, Kultura eta Kirol Sailak 3. artikuluan xedatutakoaren arabera ezarritako betebeharrak betetzea.

Ezer ebatzi aurretik, espedientea Arabako Foru Aldundiko Ogasun, Finantza eta Aurrekontu Sailari bidaliko zaio.

5. artikulua. Ziurtagiria

Ilrabazteko xederik gabeko erakundeen zerga araubidearen eta mezenasgorako zerga pizgarrien Foru Arauak 29. artikuluan jasotako zerga onurak aplikatu ahal izateko (6/2004 Foru Araua, uztailaren 12koa), beharrezkoa izango da zergapekoek, zergaren autolikidazioaz gainera, ziurtagiria aurkeztea kenkaria sortu duten diru zenbatekoak lehentasunezko jarduera edo programetarako erabili direla frogatzeko.

Ziurtagiri hori zergapekoek emandako zenbatekoak jasoko dituzten entitateek berek eman beharrezkoa da.

Aurreko 2. artikuluaen Bat paragrafoaren b) idatz zatiaren 1., 2. eta 3. puntuetako kasuetan, Arabako Foru Aldundiko Ingurumen eta Hirigintza Zuzendaritzak eman behar du artikulua hone-tako lehen bi paragrafoetan aipatzen den ziurtagiria.

Arabako Foru Aldundiko Euskara, Kultura eta Kirol Zuzendaritzak eman behar du artikulua honen lehen bi paragrafoetan aipatzen den ziurtagiria 2. artikulua lehenengo paragrafoaren d) idatz zatiaren 11., 17., 21. eta 22. zenbakietako, 2. artikulua lehenengo paragrafoaren e) idatz zatiaren 6. zenbakiko eta 2. artikulua lehenengo paragrafoaren i) idatz zatiaren 4. zenbakiko kasuetan.

XEDAPEN GEHIGARRIAK

Lehenengoa

Foru dekretu honen 2. artikulua Bat paragrafoaren a) idatz zatian xedatutakoetarako, jarduera hauek lehentasunezkoak izango dira 2016. urtean ere: Arabako Foru Aldundiak urtarrilaren 22ko 3/2008 Foru Dekretuaren bidez 2008ko ekitaldirako aintzatetsitako entitateek gizarte zerbitzuen esparruan egindako jarduera edo programak; baita Arabako Foru Aldundiak martxoaren 3ko 20/2009 Foru Dekretuaren bidez 2009ko ekitaldirako aintzatetsitako entitateek eta Arabako Foru Aldundiak otsailaren 22ko 12/2011 Foru Dekretuaren bidez 2011ko ekitaldirako eta urtarrilaren 31ko 3/2012 Foru Dekretuaren bidez 2012ko ekitaldirako aintzatetsitako entitateek egindakoak ere.

Bigarrena

Foru dekretu honen 2. artikulua Bat paragrafoaren c) idatz zatian xedatutakoetarako, jarduera hauek lehentasunezkoak izango dira 2016. urtean ere: Arabako Foru Aldundiak Diputatuen Kontseiluaren otsailaren 16ko 82/2010 Erabakiaren bidez 2010ko ekitaldirako aintzatetsitako entitateek teknologiaren esparruan egindako jarduera edo programak.

Hirugarrena

Foru dekretu honen 2. artikulua Bat paragrafoaren e) idatz zatiaren 5. puntuan xedatutakoetarako, jarduera hauek lehentasunezkoak izango dira 2016. urtean ere: Arabako Foru Aldundiak Diputatuen Kontseiluaren martxoaren 4ko 118/2008 Erabakiaren bidez 2008ko ekitaldirako aintzatetsitako kirol entitateek kirolaren esparruan egindako jarduera edo programak.

Laugarrena

Foru Dekretu honen 3. eta 4. artikuluetan xedatutakoetarako, jarduera hauek lehentasunezkoak izango dira 2016. urtean ere: Arabako Foru Aldundiko Euskara, Kultura eta Kirol saileko foru diputatuaren abenduaren 9ko 239/2015 Foru Aginduaren bidez eta abenduaren 9ko 242/2015 Foru Aginduaren bidez 2015. urterako aintzatetsitako kirol entitateek egindako kirol jarduerak.

AZKEN XEDAPENAK

Lehenengoa. Araugintzarako gaikuntza

Ogasun, Finantza eta Aurrekontu Saileko foru diputatuari ahalmena ematen zaio foru dekretu hau aplikatzeko eta garatzeko beharrezkoak diren xedapen guztiak emateko.

Bigarrena. Indarrean sartzea

Foru dekretu hau ALHAOn argitaratzen den egunean bertan jarriko da indarrean, eta 2016. urterako izango ditu ondorioak.

Gasteiz, 2016ko maiatzaren 17a

Diputatu nagusia

RAMIRO GONZÁLEZ VICENTE

Ogasun, Finantza eta Aurrekontu Saileko diputatua

JOSE LUIS CIMIANO RUIZ

Ogasun zuzendaria

TERESA VIGURI MARTINEZ